



Adresa: **ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-267-4/26**

Datum: **09.07.2026. godine**

«Agencija za vodno područje rijeke Save» Sarajevo, rješavajući po zahtjevu pravnog lica „BARSA“ d.o.o. Goražde, za donošenje Rješenja o vodnoj saglasnosti za ispuštanje tehnoloških otpadnih voda i oborinskih onečišćenih voda sa lokacije proizvodno-poslovnog objekta za primarnu obradu drveta, koji se planira graditi u industrijskoj zoni naselja Podlugovi, općina Ilijaš, na osnovu člana 109. stav (1) tačka 2., a u vezi sa članom 114. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

R J E Š E N J E **o vodnoj saglasnosti**

1. Pravnom licu „BARSA“ d.o.o. Goražde daje se, u postupku pribavljanja odobrenja za građenje, vodna saglasnost za ispuštanje tehnoloških otpadnih voda i oborinskih onečišćenih voda sa lokacije proizvodno-poslovnog objekta za primarnu obradu drveta, koji se planira graditi u industrijskoj zoni naselja Podlugovi, općina Ilijaš, na zemljištu označenom kao k.č. br. 822/1 i 2465 K.O. Podlugovi, a u skladu sa projektnom dokumentacijom:
„Glavni projekat vanjskih hidroinstalacija objekta za primarnu obradu drveta“, urađen od strane „PERSPEKTIVA-inženjering“ d.o.o. Visoko, april 2026. godine.
2. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva ovog Rješenja i čini njegov sastavni dio, a ista se, ovjerena od strane ove Agencije, vraća podnosiocu zahtjeva **na trajno čuvanje**.

Vodna saglasnost se donosi pod slijedećim uslovima:

- 3.1. Radove na izgradnji sistema za prikupljanje, tretman i ispuštanje otpadnih voda sa lokacije predmetnog objekta izvesti u skladu sa projektnom dokumentacijom iz tačke 1. dispozitiva ovog Rješenja.
- 3.2. Način ugradnje separatora i njegovo stavljanje u pogon uskladiti sa uputama proizvođača opreme u svim fazama.
- 3.3. Na odvodnom cjevovodu, neposredno iza separatora, izvesti reviziono okno koje će služiti kao okno za uzimanje uzoraka (monitoring okno).
- 3.4. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njihove obale.
- 3.5. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkog ulja i sl.
- 3.6. Nakon izvođenja radova na sistemu prikupljanja, odvodnje i prečišćavanja otpadnih voda, potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
- 3.7. U toku izvođenja radova, neophodno je poduzeti sve potrebne mjere zaštite, kako predmetnim aktivnostima ne bi došlo do nastanka štete ili nepovoljnih posljedica po vode i vodni režim, kao i postojeće korisnike voda.
- 3.8. Sve kolizije sa postojećim infrastrukturnim objektima (vodovod, elektroinstalacije, telefon i sl.), na lokalitetu na kojem će se vršiti predmetni radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.

- 3.9. Podnosilac zahtjeva je obavezan ispoštovati uslove iz Rješenja o urbanističkoj saglasnosti, broj: 05/1-19-2307/21 od 02.12.2021. godine izdatog od strane Službe za prostorno uređenje i zaštitu okoliša Općine Ilijaš.
4. Ukoliko izgradnjom predmetnog objekta dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Pravno lice je obavezno uzroke štete otkloniti, a procijenjenu štetu nadoknaditi.
 5. Po završetku izgradnje predmetnog objekta i nakon obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20 i 63/22).
 6. U periodu važenja ovog rješenja, Investitor je dužan provoditi sve mjere i aktivnosti propisane u dispozitivu ovog rješenja, kao i uslove propisane od strane drugih nadležnih organa ukoliko oni nisu u suprotnosti sa uslovima iz ovog rješenja.
 7. Ova vodna saglasnost prestaje da važi istekom roka od 2 (dvije) godine od dana njene pravosnažnosti, ukoliko do tog dana nije pribavljeno odobrenje za gradnju i započeti radovi.
 8. Ovo rješenje o vodnoj saglasnosti se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «BARSA» d.o.o. Goražde obratilo se ovoj Agenciji za donošenje Rješenja o vodnoj saglasnosti za ispuštanje tehnoloških otpadnih voda i oborinskih onečišćenih voda sa lokacije proizvodno-poslovnog objekta za primarnu obradu drveta, koji se planira graditi u industrijskoj zoni naselja Podlugovi, općina Ilijaš, na zemljištu označenom kao k.č.br. 822/1 i 2465 K.O. Podlugovi.

Uz zahtjev je dostavljena slijedeća dokumentacija:

- Ovjerena kopija Rješenja o izmjenama podataka u sudskom registru Općinskog suda u Goraždu, broj: 045-0-Reg-25-000041 dana 16.06.2025. godine;
- Ovjerena kopija Uvjerenja o registraciji poreznog obveznika izdatog od strane Porezne uprave FBiH, Kantonalni porezni ured Goražde dana 03.07.2023. godine;
- Ovjerena kopija Rješenja o urbanističkoj saglasnosti, broj: 05/1-19-2307/21 od 02.12.2021. godine izdatog od strane Službe za prostorno uređenje i zaštitu okoliša Općine Ilijaš;
- Ovjerena kopija Rješenja o odobrenju za građenje, broj: 05/1-19-1590/22 dana 24.06.2022. godine izdatog od strane Službe za prostorno uređenje i zaštitu okoliša Općine Ilijaš;
- Kopija Rješenja o prethodnoj vodnoj saglasnosti broj UP-1/21-1-40-392-5/25 od 14.10.2025. godine, koje je donijela «Agencija za vodno područje rijeke Save» Sarajevo;
- Načelna saglasnost za priključenje proizvodnog objekta na vodovodnu mrežu vodovodnog sistema „Ilijaš“ data od strane JKP Vodostan d.o.o. Ilijaš, broj 15/22 dana 05.01.2022. godine;
- Načelna saglasnost za priključenje proizvodnog objekta na kanalizacionu mrežu Kanalizacionog sistema „Ilijaš“ data od strane JKP Vodostan d.o.o. Ilijaš, broj 15/22 dana 05.01.2022. godine;
- Glavni projekat vanjskih hidroinstalacija – objekat za primarnu preradu drveta, urađen od strane „PERSPEKTIVA-inženjering“ d.o.o. Visoko, april 2026.godine;
- Konačni izvještaj o izvršenoj reviziji projektne dokumentacije, urađen od strane Zavod za vodoprivredu d.d. Sarajevo, april 2026. godine;
- Dokaz o uplati upravne pristojbe.

Nakon uvida u dostavljenu dokumentaciju konstatovano je sljedeće:

Proizvodni pogon za primarnu preradu drveta lociran je u Industrijskoj zoni naselja Podlugovi, općina Ilijaš, na zemljištu označenom kao k.č. broj 822/1 i 2465 K.O. Podlugovi, općina Ilijaš. Osnovna djelatnost koja će se obavljati u proizvodno-poslovnom objektu je primarna prerada drvenih trupaca (balvana).

Snabdijevanje vodom planirano je iz gradske vodovodne mreže.

U proizvodnji se odvijaju sljedeći procesi: prijem i skladištenje trupaca (čišćenje od blata, kamena, skidanje kore i pranje), piljenje na glavnoj tračnoj pili (brenti), kantovanje i poprečno rezanje, sortiranje i skladištenje piljene građe i zbrinjavanje otpada (okorci i piljevina).

U pogonu će se primarno prerađivati više vrsta drveta: javor, hrast, bukva, jela i smrča. Radni režim je predviđen poluautomatizovan, uz kombinaciju mašinske obrade i ručno upravljanih operacija.

Na predmetnoj lokaciji nastajat će tehnološke otpadne vode od pranja balvana i oborinske onečišćene vode sa asfaltnih površina.

Na predmetnoj lokaciji poslovnog objekta nastajat će tehnološke otpadne vode koje će se prikupljati putem linijske slivne rešetke i internom kanalizacionom mrežom odvesti do taložnika, a zatim zajedno sa prikupljenim oborinskim onečišćenim vodama na tipski separator ulja i masti. Ovako tretirane vode preko okna za monitoring odvest će se do ispusta izvedenog u rijeku Stavnju. Projektna dokumentacija, dostavljena uz zahtjev, urađena je od strane pravnog lica koje ima ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“).

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti, broj: UP-1/21-1-40-392-5/25 od 14.10.2025. godine, koje je donijela Agencija za vodno područje rijeke Save. U skladu s članom 114. Zakona o vodama upisivanjem broja i stavljanjem otiska pečata Agencije za vodno područje rijeke Save na projektnu dokumentaciju: Glavni projekat vanjskih hidroinstalacija - objekat za primarnu preradu drveta, urađen od strane „PERSPEKTIVA-inženjering“ d.o.o. Visoko, april 2026. godine, data je vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnošću, u dispozitivu ovog Rješenja, propisani uslovi u skladu sa odredbama Zakona o vodama i Pravilnika o sadržaju, obliku, uvjetima, načinu izdavanja i čuvanja vodnih akata koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu od 60,00 KM u skladu sa članom 7. stav (1) Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Postupak vodio: Aida Bezdrob, dipl.ing.građ.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.građ.

PRILOG: Glavni projekat vanjskih hidroinstalacija - objekat za primarnu preradu drveta, urađen od strane „PERSPEKTIVA-inženjering“ d.o.o. Visoko, april 2026. godine; Izvještaj o izvršenoj reviziji i Ovjerena kopija lične karte.

Dostaviti:

- «BARSA» d.o.o. Ilijaš, Makljen bb, 71380 Ilijaš (sa prilogom)
- AVP Sava, ISV – Vodna knjiga,
- Sektor 40, arhiva
- Oglasna ploča AVP Sava